



A-N-T-I

TIMÓR LÉSTE NATIONAL ALLIANCE FÓR AN INTERNATIONAL TRIBUNÁL
Temporary Secretariat: La'ó Hamutuk, the Timór Léste Institute for Development Monitoring and Analysis
Instituto Timór Léste ba Analiza no Monitor ba Desenvolvimentu
Rua dos Martires da Patria, Bebora, Dili, Timór Léste
P.O. Box 340, Dili, Timór Léste
Tel: +670-3321040 or +670-7234330 or 7367518 / 7237176
e-mail: lanarra.del@gmail.com or maubere_oan@yahoo.com
Website: www.laohamutuk.org

Komunikadu Imprensa

Periodu : Agostu 2011
Edisaun : 22 Agostu 2011

Masakre Kraras-Viqueque

Tinan ruanulu-resin ualu ona: Justisa Nafatin Malahuk Oan Kiak nomós Faluk Kontinua halerik ba Justisa

Loron 21-22 Agostu nu'udar loron istóriku ida husi loron istoriku sira seluk ba libertasaun nasional. Loron ne'e importante tebes ba Timór oan tomak hodi hanoin fali akontesimentu ka *masakre kraras* iha Distritu Viqueque iha tinan sanulu resin sia liu ba kotuk.

Akontesimentu ne'e hela deit ba memoria ba oan kiak no faluk sira. Ohin loron fatin ne'e koñesidu ho naran "*Fatin ba Feto Faluk Sira*". Masakre kraras hanesan masakre sira seluk ne'ebé akontese durante okupasaun ilegal husi Militar Indonézia hodi komete violasaun direitus umanus husi eskalaun kiik to'ó ba eskalaun boot ne'ebé rezulta ema kuaze 200.000 mak lakon sira nia vida.

Masakre Kraras hanesan mós parte ida husi istória luta no terus povu Timór Léste nian ne'ebé nunca bele lakon iha memoria povu Timór Léste nian.

Mesmu nune'e, realidade hatudu katak akontesimentu brutal no asasinu ida ne'e kuaze lakon iha agenda Estudu Timór Léste nian atu buka solusaun ba familia vítima sira no dignifika sira ne'ebé vítima asasinatu brutal iha masakre ne'e hanesan kontribuisaun ba prosesu luta ba ukun rasik-an nian.

Povu Timór Léste tomak tenke kontinua ezije ba Estadu responsavel masakre ne'e atu husu **Indonezia** nia responsabilidade ba krimi ne'ebé nia elementu sira komete durante okupasaun Indonesia nia iha Timór Leste.

Ba Estadu Timór-Leste, ezije mós atu konsidera loron *masakre* ida ne'e mós nu'udar loron nasional Timór Léste nian. Tanbá ne'e iha loron istóriku ne'e Timór oan tomak, vítima, familia vítima hamutuk ho ativista hotu hakarak mobiliza, organiza hodi selebra loron istóriku ne'e, hodi kontinua ezije justisa ba familia vítima sira.

Sisto do Santos, Presidente Ezeutivu (Board) ANTI *hateten katak objetivu prinsipal ba atividade komemorasaun masakre ne'e nian mak atu fo hanoin povu Timór Léste no ezije ba Estadu Indonesia responsabiliza ba masakre ne'e no ezije ba Estadu TimórLéste atu bele konsidera no tau loron masakre Kararas nian nu'udar loron nasional ba eroi sira ne'ebé lakon sira nia vida ba luta determinisaun Povu Timór Léste nia destinu husi akoupasun ilegal Militar Indonézia.*

Aliende ne'e ejijie nafatin responsabilidade Estadu Indonézia ba krime sira ne'ebé komete durante okupasaun iha tinan 24 nia laran, inklui masakre Kararas nian. Nune'e mós ezije ba estadu Indonezia bele halo reparasaun ba familia vítima sira masakre kraras no masakre sira seluk ne'ebé akontese iha Timór Léste.

Tinan sanulu liu ona Timór Léste hetan ninia independénsia, povu Timór Léste liu-liu vítima no familia vítima, oan kiak no fetu faluk sira kontinua ezije atu bele iha justisa no ezije hodi autór prinsipal sira bele resposabiliza ba krime sira ne'ebé sira komete.

Maske nune'e estadu Timór Léste rasik ladun iha interese boot no la fo prioridade atu halais prosesu justisa ba autór krimenozu sira ne'ebé komete violasaun direitus umanus iha Timór Léste husi tinan 1975 – 1999. Tanbá estadu Timór Léste preokupa no fo prioridade liu ba oinsa atu kria relasaun amizade ho nasaun vijiño Indonézia. Maibé ida ne'e sei la hami'is espíritu povu Timór Léste, liu-liu ativista, vítima no familia vítima hodi kontinua ezije no halo presaun atu estadu Timór Léste no Indonézia bele fo prioridade ba hari justisa ida ne'ebé forte kridevel ba povu Timór Léste.

Atu hetan informasaun klean liu tan bele kontaktu:

Sisto do Santos
Presidente Board ANTI/HAK
Diresaun-Email: lanarra.del@gmail.com
No Tlf : 7266564

Ou bele kontaktu:
Jose Moniz
Membriu ANTI/JSMP
E-mail: moniz@jsmp.minihub.org
No Tlf: 7402231